

10 APR 1997

PERDANA MENTERI MESIR MELAWAT MALAYSIA

KUALA LUMPUR, 10 April (Bernama) -- Perdana Menteri Mesir, Dr Kamal Ahmed El-Ganzoury akan melawat Malaysia tiga hari bermula Ahad ini.

Menurut satu kenyataan Jabatan Penerangan, Dr Kamal dijadualkan mengadakan pertemuan dengan Perdana Menteri Datuk Seri Dr Mahathir Mohamad pada hari Isnin.

Kedua-dua pemimpin kemudian akan mengetuai delegasi masing-masing mengadakan perbincangan dan menandatangani perjanjian dua hala dan memorandum persefahaman (MoU).

Pada sebelah petangnya, Dr Kamal akan menghadap Yang di-Pertuan Agong Tuanku Ja'afar sebelum menghadiri taklimat di Unit Perancang Ekonomi dan melawat Menara Kuala Lumpur.

Dr Kamal kemudiannya akan menghadiri majlis jamuan malam di kediaman Dr Mahathir di Sri Perdana.

Pada pagi Selasa, beliau akan melawat Lembaga Pembangunan Perindustrian Malaysia (MIDA).

Pada tengah harinya, Dr Kamal akan mengadakan sidang berita dan menyampaikan syarahan anjuran Dewan Perniagaan dan Perusahaan Kebangsaan Malaysia (NCCIM).

Beliau akan berlepas ke Singapura pada sebelah petangnya.-- BERNAMA  
HS OBA